



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-449-4/25**

Datum: **01.12.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «SEAN TECH BOSNIA» d.o.o. Vareš, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona metaloprerađivačke – proizvodnja dijelova od metala u naselju Vareš-Majdan, općina Vareš, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu, «SEAN TECH BOSNIA» d.o.o. Vareš daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona metaloprerađivačke – proizvodnja dijelova od metala lociranom u ul Industrijska br 2 u naselju Vareš-Majdan na zemljištu označenom kao k.č. broj: 2219, 2294/4, 2294/5 i 2295 K.O. Vareš, općina Vareš.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno fekalnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji pogona i uz sljedeće uslove:
 - 3.1. Da se upotreba i korištenje pogona za preradu metala i proizvodnju dijelova od metala lociranom u naselju Vareš-Majdan, općina Vareš vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa propisima iz oblasti zaštite okoliša, vrši bezbjedno i redovno skupljanje i skladištenje otpada nastalog u postupku prerade metala, kao i čvrstog opasnog i neopasnog otpada sa kompletnog kruga pogona (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.3. Da se u skladu sa propisima iz oblasti zaštite okoliša, za preuzimanje i konačno zbrinjavanje otpada nastalog u proizvodnom postupku prerade metala zaključi poseban ugovor sa ovlaštenom organizacijom.
 - 3.4. Da se rabljena industrijska ulja, emulzije, nastali opasni i neopasni otpad redovno odstranjuju prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istom.
 - 3.5. Da se redovno vrši evidencija o količinama prikupljenog rabljenog ulja, emulzija, opasnog i neopasnog otpada i evidencija o zbrinjavanju.
 - 3.6. U blizini prostora gdje su postavljeni zatvoreni spremnici za iskorištenu emulziju i ulja osigurati priručna sredstva za brzu intervenciju u slučaju nekontrolisanog istjecanja ili prilikom pretakanja, kako bi se spriječilo moguće onečišćenje voda i tla (materijal za upijanje: piljevina, prikladni absorbenti te odgovarajuće posude, uređaji za pretakanje, sredstva za neutralizaciju i sl.).
 - 3.7. Otpad nastao u proizvodnom procesu – špena, rabljena industrijska ulja, emulzije za obradu metala, zamašćene krpe, onečišćena ambalaža - kante od farbi, otpadne boje, filterski materijali te ostali opasni i neopasni otpad se ne smije i privremeno odlagati na česticu «vodno dobro», odnosno u vodotoke i na obale vodotoka.

- 3.8. Korisnik predmetnog pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na zaštitu voda i nisu u suprotnosti sa uslovima iz ove vodne dozvole.
4. Korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne pristojbe.
 11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «SEAN TECH BOSNIA» d.o.o. Vareš, u Agenciju je dana 24.10.2025. godine podnesen ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona metaloprerade – proizvodnja dijelova od metala lociranom u ul Industrijska br 2 u naselju Vareš-Majdan na zemljištu označenom kao k.č. broj: 2219, 2294/4, 2294/5 i 2295 K.O. Vareš, općina Vareš.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-000818 izdatog dana 19.03.2024. godine od strane Općinskog suda u Zenici,
- Ovjerena kopija Rješenja o registraciji broj: 043-0-Reg-17-000415 izdatog dana 17.04.2017. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 11.12.2018. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar indirektnih poreza broj: 04/1-17-1-UPJR/1-16700-2/18 izdatog dana 10.01.2019. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-77400/18 izdatog dana 11.12.2018. godine od strane Službe za statistiku Zeničko-dobojskog kantona,
- Ovjerene kopije Zemljišnoknjižnog izvotka broj: 041-0-NAR-23-0017077 ZK uložak broj: 1360; broj: 041-0-NAR-23-0017078 ZK uložak broj: 1663; broj: 041-0-NAR-23-0017079 ZK uložak broj: 1664 i broj: 041-0-NAR-23-0017080 ZK uložak broj: 1665 izdato dana 18.09.2023. godine od strane Zemljišnoknjižnog ureda Općinskog suda u Visokom,

- Ovjerene kopije pravosnažnih Rješenja o dosudi broj: 43 0 St 134758 16 St donesenih dana 13.11.2018. godine i 03.07.2020. godine od strane Općinskog suda u Zenici,
- Kopija Rješenja broj: UP1-14-21-2-05853/2025-1403-2 izdatom dana 14.10.2025. godine od strane Federalne uprave za inspekcijske poslove – Vodni inspektorat,
- Kopija Ugovora broj: 07/01-21 o kupoprodaji industrijskih otpadaka zaključen dana 18.11.2024. godine između «SEAN TECH BOSNIA» d.o.o. Vareš i «CIBOS» d.o.o. Sarajevo,
- Kopija Rješenja o vodnoj dozvoli broj: UP-I/25-3-40-216-4/12 izdatog dana 11.06.2012. godine od strane «Agencije za vodno područje rijeke Save» Sarajevo (izdato za «TVORNICA REZERVNIH DIJELOVA» d.d. Vareš),
- Kopija Ugovora broj: 53-01/25 o pružanju usluga – preuzimanje, manipulacija, skladištenje i krajnje zbrinjavanje opasnog, neopasnog i drugog otpada kao i čišćenje separatora i kanalizacionih cijevi sklopljenog dana 26.03.2025. godine između «SEAN TECH BOSNIA» d.o.o. Vareš i «Aida-Commerce» d.o.o. Sarajevo,
- Kopija Transportne dokumentacije za otpad (emulzija) broj: 0011062 od 06.10.2025. godine,
- Glavni arhitektonsko-građevinski projekat za Tvornicu rezervnih dijelova Vareš (KNJIGA IV) urađen od strane Instituta za arhitekturu, urbanizam i prostorno planiranje Arhitektonskog fakulteta u Sarajevu, april 1982. godine (na uvid),
- Glavni projekat za Tvornicu rezervnih dijelova Vareš urađen od strane Metalurškog instituta «Hasan Brkić» Zenica, august 1979. godine (na uvid),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona u naselju Vareš-Majdan, općina Vareš i tom prilikom je sačinjen Zapisnik o uviđaju broj: UP-1/21-3-40-449-3/25 od 04.11.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogona metaloprerade – proizvodnja dijelova od metala nalazi se na lijevoj obali rijeke Stavnje uz željezničku prugu u ul Industrijska br 2 u naselju Vareš-Majdan, općina Vareš. Prethodni vlasnik ovog pogona je bila «TVORNICA REZERVNIH DIJELOVA» d.d. Vareš.

U sklopu kompleksa izgrađenog na parcelama označenim kao k.č. broj: 2219, 2294/4, 2294/5 i 2295 K.O. Vareš nalazi se upravna zgrada koja trenutno nije u upotrebi, proizvodna hala te plato sa saobraćajnim i manipulativnim površinama.

Prozvodna hala se sastoji od pripremnog dijela, dijela strojne obrade i montaže. U procesu proizvodnje krajnjih produkata (osovine, ležajevi, zubčanici, mašine i dijelovi za željezare i tešku industriju) voda se koristi za indukciono kaljenje (rashlađivanje) i termičku obradu (hlađenje). Voda je u zatvorenom sistemu tj. nema ispuštanja vode iz sistema. Osim vode, u proizvodnom procesu se koriste emulzije za podmazivanje komada gotovih elemenata i hlađenje noža mašina. Iskorištena emulzija se sakuplja u spremnike ispod svake mašine i pumpama vraća ponovno u proces. Iskorištena emulzija i hidraulična ulja se skladište u zatvorenim spremnicima na platou iza objekta hale do preuzimanja od strane «Aida-Commerce» d.o.o. Sarajevo prema Ugovoru.

Špena i ostali industrijski otpad nastao u proizvodnom procesu se prikuplja u kontejnerima smještenim na platou iza hale i isti se odvozi od strane «CIBOS» d.o.o. Sarajevo prema Ugovoru.

Oborinske vode sa krova hale i platoa se odvođe sistemom slivnika i ispuštaju u rijeku Stavnju.

Smještaj boja i lakova je u posebnom dijelu objekta. Zagrijavanje objekta vrši na čvrsto gorivo.

Snabdijevanje vodom za sanitarne i tehnološke potrebe kao i za hidrantsku mrežu se obezbjeđuje sa vlastitog vodozahvata.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja predmetnog pogona u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog proizvodnog pogona utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «SEAN TECH BOSNIA» d.o.o. Vareš ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona metaloprerade – proizvodnja dijelova od metala lociranog u naselju Vareš-Majdan, općina Vareš, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-449-2/25 od 31.10.2025. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermína Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo / dipl.inž.građ.

Dostaviti:

- «SEAN TECH BOSNIA» d.o.o. Vareš
ul Industrijska br 2, 71330 Vareš
- Ⓞ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava